



## **TOSHKENT DAVLAT YURIDIK UNIVERSITETI REKTORINING BUYRUG‘I**

---

10.01.2025

7-um-son

### **Toshkent davlat yuridik universitetida Kurash milliy sport turini rivojlantirish va ommalashtirish to‘g‘risida**

O‘zbekiston Respublikasi Prezidentining 2024-yil 20-dekabrdagi “Kurash milliy sport turini rivojlantirish va ommalashtirishni yangi bosqichga olib chiqish chora-tadbirlari to‘g‘risida”gi PQ–450-son qarorida belgilangan vazifalar ijrosini ta’minlash hamda Toshkent davlat yuridik universitetida sportni ommalashtirish va sog‘lom turmush tarzini keng targ‘ib qilish maqsadida

### **BUYURAMAN:**

1. O‘zbekiston Respublikasi Prezidentining 2024-yil 20-dekabrdagi PQ-450-son qarori ma’lumot va ijro uchun qabul qilinsin.

2. Qaror 1-ilovasi bilan tasdiqlangan Yo‘l xaritaga asosan respublikadagi oliy ta’lim muassasalarining sport klublari tarkibiga kurash seksiyalarini tashkil etish choralari ko‘rish belgilanganligi inobatga olinsin.

3. Toshkent davlat yuridik universiteti (bundan buyon matnda – Universitet)da kurash seksiyasi tashkil etilsin.

4. Jismoniy tarbiya va sport kafedrasini (D.Dokuchayev):  
universitetda kurash milliy sport turi bo‘yicha sport seksiyasi faoliyatini tashkil etish va ushbu sport turini xodim va talabalar o‘rtasida ommalashtirish choralari ko‘rsin;

kurash seksiyasi faoliyatini samarali yo‘lga qo‘yish uchun o‘rnatilgan tartibda trener va boshqa mutaxassislarini jalb qilish choralari ko‘rsin;

Ma’naviyat va ma’rifat markazi (Sh.Po‘lotov) va fakultet dekanlari bilan birga universitetda kurash sport turi bo‘yicha sport musobaqalarini tizimli tarzda tashkil etish hamda respublika tanlovlarida talabalarning ishtirokini ta’minlash choralari ko‘rsin;

sport to‘garaklari doirasida o‘tkaziladigan sport mashg‘ulotlari jadvalini tasdiqlab sport mashg‘ulotlarini doimiy olib borilishini ta’minlasin;

Buxgalteriya (M.Parpiyev) bilan birgalikda kurash seksiyasi faoliyati uchun zarur shart-sharoitlarni yaratish bo‘yicha sport anjomlari, sport kiyimlari hamda

zarur vositalarni belgilangan tartib asosida xarid qilish choralarini ko'rsin;

universitetda tashkil etiladigan kurash musobaqalari g'olib va sovrindorlarini "Yurist olimpik" sport klubi mablag'lari hisobidan rag'batlantirishga e'tibor qaratsin.

5. Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov:

kurash seksiyasini tashkil etish hamda universitetda kurash milliy sport turini ommalashtirish bo'yicha belgilangan vazifalarni yuqori saviyada tashkil etilishini nazoratga olsin;

universitetda sog'lom turmush tarzini keng targ'ib qilish, xodim va talabalarining sport bilan shug'ullanishlari uchun zarur sharoitlar yaratish jarayonlarini to'g'ri tashkil etilishini nazoratga olsin;

sport to'garaklarining doimiy faoliyat yuritishini, sport to'garaklarida talabalarining qamrovini oshirish jarayonlarini doimiy nazorat qilib borsin.

6. Moliya-iqtisod masalalari bo'yicha prorektor A.Iminov universitetda mavjud sport zallari, xonalari, trenajor zallari, sport maydonlari uchun zarur sport inventarlarini o'rnatilgan tartibda budjetdan tashqari mablag'lari hisobidan xarid qilinishini nazoratga olsin.

7. Jamoatchilik va OAV bo'limi (J.Haydarov) universitetdada sport-sog'lomlashtirish borasida amalga oshirilayotgan ishlar, o'tkazilayotgan musobaqalar hamda sport bo'yicha natijaga erishib kelayotgan xodim va talabalarni OAV orqali yoritib borish, ularning faoliyatini ommalashtirish choralarini ko'rsin.

8. Mazkur buyruq ijrosi nazorati birinchi prorektor A.Xashimhonov hamda prorektor A.Iminovlar zimmasiga yuklatilsin.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Moliya-iqtisod ishlar bo‘yicha  
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV

